

«Ինչպես կը փրփրար ծերունին մուքաղար խոջա Հիբանը, եթե գերեզմանից դուրս և իրենց բլրակին չհասած՝ տեսներ մի տուն, կապույտ ներկած երկու մեծ դռներով, դռան ճակատին ցուցանակը, վրան գլուխ շաքար, մի ցանի կապ թեյ նկարած և ուսերեն գրած՝

Мелочная лавка бр. Мангасаровых...

«Նանութի մի անկյունում աղաքարի կույտեր, մեծ տակառներ՝ մեջը լիցորեն, գարի, ապա բարակ միջնորմը՝ վրան շատ ծանոթ գորգեր, գորգերի վրա պղնձե փայլուն կշեռքը, իսկ դարակներում ճոթ ու կտոր, գույնզգույն շիթի թոփեր, մահուդ, ատլաս, ծոպավոր թաշկինակներ, կոճ ու թել...

«Եվ այդ խանութում եփրեմը՝ խոջա Հիբանի կրտսեր որդին, բուխարու փափախով, սև մահուդե պինջակով, շիթի թոփերը առաջը թափած՝ հաճախորդին գովում էր, Ֆիրմայի անունը տալիս... Գովում էր և չափում, արշինը հոտավետ շիթի մեջ այնպես թոռացնում, ասես մանկուց նրա հետ էր խաղացել...

«Իսկ անկյունում, դալխի մոտ, նստում էր Մկրտումը, ավագ եղբայրը, որը հին ճանաչ Սուլեյման քերվալի որդուն երկու հարյուր ոտբլու մուրհակը ծոցի հաստ «կնիշկալի» մեջ պահելուց հետո այն նույն տեղից հանում էր ու մեկ-մեկ հաշվում 15 հատ տասնոց, նույն կարմիր տասնոցներից, ինչպիսիք կային հոր ժամանակ...

«Այդ շաքարն ու շիթը գնված էին այն գրամով, որ մնացել էր խոջա Հիբանից հետո»:

Կապիտալի գործադրության այս երկրորդ փուլին անցնելու պրոցեսի հետ է համընկնում Գորիս քաղաքի հիմնադրումը: Գավառական մի խոշոր կենտրոնական վայրում գյուղերից ի մի հավաքվելու պահանջը ամենից վաղ զգում էր միջնորդական կապիտալը՝ ձգտելով իր գործունեության համար գյուղականից ավելի երկար շառավիղներ ձեռք բերելու: Գորիս քաղաքը վերածվեց թե՛ տեղական հումքի գլխավոր հավաքավայրի և թե՛ գավառի գյուղերի համար գործարանային ապրանքների բաշխիչ պահեստի: Գորիսի միջնորդ-առևտրականները հետզհետե այնքան ամրացան, որ Շուշու պահեստներից անկախ՝ անմիջական կապեր սկսեցին հաստատել Ռուսաստանի արդյունաբերական կենտրոնների հետ: Գարավերջին շատ որոշակի դրսևորված իրողություն էր գյուղացիական տնտեսությանը զբաղվող գանգվածից մի խումբ տնտեսությունների առանձնանալը, որոնց եկամուտի գլխավոր աղբյուրը ոչ թե երկրագործությունն ու անասնապահությունն էին, այլ գրամի շահեցումը և ուրիշի ուժի օգտագործումը: Գորիսում առաջ եկան այնպիսի գրամատեր ընտանիքներ, որոնք իրենց շրջանառությունների համար պետք ունեին արգեն ընդարձակ զետեղարանների: Այսպես Մելիք-Նուբարյանները մի քանի այլ առևտրականների հետ միացած կառուցեցին մի երկար, բազմաթիվ խանութներ բովանդակող պասաժ: 1913 թվին այդպիսի առևտրական ձեռնարկությունների թիվը Գորիսում հասնում էր 134-ի: Այստեղ էին տեղացիների՝ Պարոնյանների, Յուլունքի, Մղղուսունքի, Աղու Մելքումիս Հաբիի (Հարությունի), Վանիեվների կողքին խանութներ հիմնել Ղանազան գյուղերից իրենց կապիտալներով տեղափոխված առևտրականները. կապանցի Մելիք-Նուբարյանները, բռնակոթցի՝ Սիմեոն Բեյ Մելիք-Քանգյանը, քարահունջեցի Մատուրյանների փեսան, տոլորսեցի Գալուստ Տեր-Մինասյանը, շենաթաղեցի Ս. Պողոսյանը և ուրիշներ: